

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA**

**Broj: T04 0 KT 0062575 25  
Zenica, 18.11.2025. godine**

**OPĆINSKI SUD U VISOKOM  
-Sudiji za prethodno saslušanje-**

Na osnovu člana 45. stav 2. tačke i), u vezi sa članom 241. stav 1. Zakona o krivičnom postupku FBiH (ZKP FBiH), podižem

**O P T U Ž N I C U**

**Protiv osumnjičenog:**

**N. S., ...**, osuđivan osam puta i to: presudom Općinskog suda u V. broj ... za krivična djela iz članova 323. stav 3., 293. stav 1., 371. stav. 1., KZ FBiH, sve u vezi sa članovima 54. i 31. KZ FBiH (izrečena jedinstvena kazna zatvora u trajanju od 9 mjeseci), presudom Općinskog suda u V. broj ... za krivična djela iz člana 239. stav 3. KZ FBiH i člana 52. stav 1. tačka b) ZONDINOM-a ZDK, sve u vezi sa članom 54. KZ FBiH (izrečena kazna zatvora u trajanju od 1 godine koja je zamijenjena radom za opće dobro na slobodi u trajanju od 90 radnih dana), presudom Općinskog suda u V. broj ... za krivično djelo iz člana 239. stav 3. KZ FBiH (izrečena kazna zatvora u trajanju od 3 mjeseca), presudom Općinskog suda u V. broj ... za krivično djelo iz člana 52. stav 1. tačka b) ZONDINOM-a ZDK, u vezi sa članom 54. KZ FBiH (izrečena kazna zatvora u trajanju od 2 mjeseca), presudom Općinskog suda u V. broj ... za krivično djelo iz člana 239. stav 3. KZ FBiH (izrečena uvjetna osuda kojom mu je utvrđena kazna zatvora u trajanju od 4 mjeseca, te je istovremeno određeno da se ista neće izvršiti ukoliko ne počinu novo krivično djelo u roku od 1 godine od dana pravomoćnosti presude), presudom Općinskog suda u V. broj ... za krivična djela iz članova 238. stav 3. u vezi sa stavom 1. KZ FBiH, 239. stav 3. KZ FBiH, sve u vezi sa članom 54. KZ FBiH (izrečena jedinstvena kazna zatvora u trajanju od 1 godine i 3 mjeseca), presudom Općinskog suda u V. broj ... za krivično djelo iz člana 239. stav 3. KZ FBiH (izrečena kazna zatvora u trajanju od 3 mjeseca) i presudom Općinskog suda u V. broj ... za krivična djela iz članova 293. stav 1. KZ FBiH i 362. stav 2. u vezi sa stavom 1. KZ FBiH, a sve u vezi sa članovima 31. i 54. KZ FBiH (izrečena uvjetna osuda kojom mu je utvrđena kazna zatvora u trajanju od 8 mjeseci, te je istovremeno određeno da se ista neće izvršiti ukoliko ne počinu novo krivično djelo u roku od 2 godine od dana pravomoćnosti presude), prema vlastitom kazivanju izdržao kaznu zatvora u ..., S., ne vodi se drugi krivični postupak,

**Zbog postojanja osnovane sumnje da je:**

Dana 04.02.2025. godine oko 11.10 sati u ulici ..., grad V., ispred pekare „...“, nakon prethodnih nesuglasica sa H. S., izašao iz putničkog motornog vozila marke „...“ tip „...“ sive boje, i prišao parkiranoj putničkom motornom vozilu marke „...“ bijele boje, gdje se na mjestu vozača

nalazio H. S., te po izlasku H. S. iz putničkog motornog vozila u kojem se nalazio istog pljunuo u predjelu lica obrativši mu se riječima „Šta glumiš, što se ne javljaš na telefon“, da bi nakon toga zadao udarac lijevom rukom u desni dio glave H. S. i potom još nekoliko udaraca nogom u tijelo H. S., da bi nakon što je oborio H. S. na asfalt istom zadao nekoliko udaraca rukom u predjelu glave, nakon čega hvata lijevu nogu H. S. i istoga vuče po asfaltu, te mu zadaje šest udaraca nogom u predjelu nogu i tijela H. S. od kojih jedan u predjelu leđa i jedan u predjelu glave, da bi nakon što je H. S. ustao sa poda prema istom krenuo i zadao još jedan udarac lijevom rukom u predjelu glave H. S., nakon čega se udaljio prema obližnjem parkiranoj kombi vozilu plave boje u koje je sjeo i otišao u nepoznatom pravcu, svjestan i znajući da na taj način grubo vrijeđa i čini nasilje prema drugom, izaziva tuču i naročito se drsko i bezobzirno ponaša i narušava građanski mir H. S. i ostalih prolaznika koji su se u tom momentu zatekli na licu mjesta i H. S. nanosi tjelesne povrede, što je i htio, usljed kojih udaraca je H. S. u svojoj svekupnosti zadobio lake tjelesne povrede koje se ogledaju u oguljotini kože donje vilice sa lijeve strane, krvnog podliva na desnoj strani vilice i oguljotini kože desne šake,

**Dakle**, grubim vrijeđanjem, nasiljem prema drugom, izazivanjem tuče i naročito drskim i bezobzirnim ponašanjem ugrozio građanski mir, usljed čega je jedna osoba lako tjelesno povrijeđena,

**Čime bi** počinio krivično djelo nasilničko ponašanje iz člana 362. stav 2. u vezi sa stavom 1. Krivičnog zakona FBiH,